

慶豐司一卷

總管內務府現行則例

總管內務府現行則例<sup>5</sup>

掌儀司一冊 定價肆角

版權所有

民國二十六年三月出版 300

四元

勘誤表

葉數 行數 誤

正

八 一三 鑲糝緞領袖緞袍

鑲糝緞領袖彭緞袍

一八 二三 至八百張

至八百張者

欽定總管內務府現行則例慶豐司

目錄

卷一

建設公廨添裁員役

牛圈牛隻草豆定額

敬神牛隻

祭祀牛隻

祭祀羊隻

餽養耕藉牛隻

內二牛圈分例乳牛

例用牛乳

成造供獻乳餅

南苑六圈羊隻草豆定額

進獻羊隻

內用羊隻

剪取羊毛

年例暫用牛羊

出外備用牛羊

給送牛羊分例

取送牛羊

牛羊烙印

倒斃牛羊

內圈賞罰

修圈事宜

領取草豆

領取羊草

六

六

六

六

六

六

七

七

七

八

八

八

九

領取煤炭燈油

九

豐臺六羊圈羊隻草豆定額

一三

領取紙張筆墨炭斤

九

羊隻皮張按成變價

一四

領取公費

一〇

乏乳牛隻變價

一四

題奏事件

一〇

遞奏事宜

一四

補放員役

一〇

鈐用印信

一五

例用物件

一〇

卷二

移送註銷

一一

添裁牧羣員役

一六

頂補壯丁

一一

牛羊羣員役俸餉

一七

招募書吏

一二

牛羣交送官物事宜

一七

牛圈牛犢倒斃賞罰

一二

三旗牛羊羣額數

一七

移送查覈

一二

牛羊變價

一八

查覈張家口生息利銀

一二

倒斃牛羊皮張

一八

奏派值年大臣

一三

遊牧處剪取羊毛

一九

達里崗崖羊羣額數

一九

鑄給牧羣總管副總管關防

二六

達里崗崖牧羣添裁員役

二〇

盛京設立黑牛羣

二六

達里崗崖羊羣員役俸餉

二一

設立駝馬

二七

牛羊羣補放官員

二二

添設駝馬

二七

牛羊羣紙張筆墨

二三

移會事宜

二八

交納馬駒事宜

二三

裁撤書吏

二八

口外莊頭備養乳牛

二三

查覈烏拉孳生牛隻

二三

遊牧處設倉事宜

二三

養什牧建設牛羣事宜

二三

分設祭祀應用黑牛牧羣事宜

二四

均查三旗牛羊羣賞罰

二四

均查達里崗崖羊羣賞罰

二六



欽定總管內務府現行則例

慶豐司卷一

建設公廩添裁員役

慶豐司執掌牛羊羣牧孳生蕃息等事 初三旗牛羊羣牧原設管理牛隻事務員外郎

三員管理羊隻事務員外郎三員筆帖式十二員內三牛圈廐長三員廐副三名廐丁五

十三名鋤草蘇拉六名南苑三牛圈廐長三員廐副三名廐丁三十六名鋤草壯丁十二

名做乳餅牛圈廐長一員廐丁八名鋤草壯丁二名豐臺六羊圈廐長六員廐副六名廐

丁五十七名篩豆壯丁六名南苑牛圈豐臺羊圈共壯丁頭目一名 康熙二十三年八

月遵旨議覆奏准設立慶豐司鑄給司印設管理牛羊事務郎中二員主事一員添設管

理牛隻事務員外郎二員管理羊隻事務員外郎二員筆帖式六員內三牛圈南苑三牛

圈做乳餅牛圈豐臺六羊圈各添設廐副一名於郎中內奏請欽定一員掌印不隸內務

府一應事件俱由本司題奏咨行 是年十月添設書吏四名

乾隆四十年寧壽宮估用一名五十六年裁一名現

設二 二十四年正月議覆奏准內三牛圈每圈裁廐丁七名添設鋤草蘇拉七名 是

年四月奏准六羊圈共添設廐丁十五名 三十二年三月奏准內三牛圈南苑三牛圈

豐臺六羊圈每圈各添設厩丁二名 三十四年五月奏准裁筆帖式二員 是年六月  
奏准豐臺六羊圈每圈裁厩丁二名內三牛圈南苑三牛圈每圈添設厩丁二名 三十  
六年七月奏准內三牛圈共添設鋼草蘇拉十四名 雍正元年十月呈准於筆帖式內  
委署主事一員 是月奏准添設漢字筆帖式二員 是年十二月奏准慶豐司歸併內  
務府管轄 乾隆十八年七月呈准於本司額設筆帖式十八員內減二缺移給都虞司  
員二十二年十二月本府奏准本司設委署主事一員於筆帖式頭目內揀選帶領引見  
補放給與六品虛銜頂戴毋庸出缺仍食原舊俸餉令其協理檔案事務 三十四年十  
二月本府議覆奏准嗣後管理內外牛羊圈三處揀派本司官員三員於別司官員內揀  
派三員分管值年互相稽察再京內圓明園僅有牛圈二處應各留厩長一員厩副二名  
厩丁十八名其餘厩長一員厩副二名俟別圈缺出調補所遺之缺卽行裁汰厩丁十八  
名撥回該管領下當差 四十年十月經內務府奏准寧壽宮設立辦事官員由慶豐司  
撥補郎中一員員外郎二員作爲寧壽宮實缺 四十一年二月奏准南苑原設續圈三  
處內裁減二圈每圈設有厩長一員厩副二名厩丁十五名今既裁汰二圈此項人役亦

毋庸安設除廐長二員廐副四名暫撥內圈幫差俟有缺出再行補用外其廐丁三十名原係由各佐領管領下披甲人挑選之人即駁回原處當差 四十七年十月武英殿奏

准本處監造二員改爲一正一副正監造作爲員外郎副監造作爲副內管領不必另行

添設即於內務府額缺內佔用作爲本處額缺遇有缺出即行扣補 五十三年察哈爾

都統烏爾圖那遜奏請將牛羊羣總管一缺裁汰由慶豐司派主事一員筆帖式一員辦

理牛羊羣事務 五十七年四月奏准將造辦處郎中三缺內請給還慶豐司一缺 嘉

慶九年軍機大臣議覆奏准辦理牛羊羣事務值年主事改設爲六品職銜委署主事一

員 十一年五月本府奏准擬留頂戴廐長十員 咸豐二年五月本府奏准慎刑司差

務繁多由本司及錢糧衙門額設員外郎內各撥二員作爲慎刑司額缺現定郎中二員

員外郎六員內 武英殿佔用本司員外郎一員 主事一員委署主事二員內 一員係張家口值年俱在筆帖式額內 筆帖式

十五員內 一員張家口值年 牛羊圈廐長十員廐副十九名廐丁一百二十四名鋤草蘇拉三十

九名鋤草篩豆壯丁頭目一名壯丁二十名

牛圈牛隻草豆定額



康熙二十三年九月奏准內三牛圈全耳驢牛及分例乳牛俱於圈內經年餵養額定內  
三牛圈全耳驢牛十五隻每隻每日草二束豆一升五合分例乳牛隨時添減每隻連犢無定額

每日草二束豆一升五合南苑三牛圈全耳驢牛二十一隻每隻每日草一束豆一升備

用分例乳牛無定額每隻每日草一束豆五合額外乳牛無定額每隻每日草一束備給

莊園驢牛六隻每隻每日草一束豆一升做乳餅牛圈乳牛八十隻每隻連犢每日草一

束半豆一升南苑牛隻俱於三月初一日出青牧放十月初一日進圈餵養 三十三年

十一月奏准內三牛圈分例乳牛每隻連犢自十月初一日至次年二月三十日每日添

豆五合經歷年添減今現定內二牛圈南苑續牛圈一圈做奶餅牛圈一圈內二牛圈現例餵

全耳驢牛十二頭每頭每日各餵穀草二束豆七倉升二合乳牛一百十二頭每頭每日

各餵穀草二束豆二倉升糟四倉升車牛六頭犛牛三頭青牛一頭黑牛一頭以上牛隻

每頭每日各餵穀草二束豆三倉升六合南苑續牛圈現例餵耕藉黃牛三頭經年餵養

每頭每日合餵穀草羊草一束半豆三倉升六合續用全耳驢牛十二頭車牛二頭犛牛

二頭乳牛一百十頭青牛二頭以上牛隻每頭每日合餵穀草羊草一束半豆一倉升糟

三倉升俱於十月十一日入圈餵至次年四月初一日出青牧放將餵養草豆口分停止  
南苑做奶餅牛圈現例餵乳牛五十五頭車牛二頭犍牛二頭以上牛隻每頭每日合餵  
穀草羊草一束半豆一倉升五合糟三倉升俱於十月十一日入圈餵至次年四月初一  
日出青牧放將餵養草豆口分停止

### 敬神牛隻

每年春夏秋冬四孟月坤寧宮敬神每次用全耳鬪牛二隻用畢交會計司變價鬻賣再  
內庭阿哥晉封移徙之後分例年內府中初次敬神所用全耳鬪牛一隻據掌儀司奏定  
日期移會到日將應用牛隻交送

### 祭祀牛隻

初壇廟祭祀所用黑牛俱係太常寺採買餵養應用 康熙二十九年二月太常寺奏請  
派官於山東等處採買祭祀所用黑牛奉旨不必於山東等處採買著於張家口採買爾  
等將應用合式黑牛行文內務府取用欽此 每年派往張家口外遊牧處取送牛羊官  
員於彼處牛羣內挑選合式黑牛儘其所得交太常寺本司於年本內具題 乾隆元年

六月奏准犧牲所一年祭祀需用及備養牛共二百四十隻太常寺於春秋二季將應用牛隻數目豫行內務府於牛羣內挑選合式黑牛儘其所得交送犧牲所儻不足二百四十隻之數由太常寺採買 四十一年二月總管內務府大臣金簡奏准嗣後犧牲所應行餵養之黑牛仍照舊例交察哈爾都統轉飭各羣擇選堪用黑牛四十頭先行送交犧牲所餵養以備供用其餘應用黑牛仍行知順天府採買以備供用

### 祭祀羊隻

凡逢聖誕忌辰之期併清明端陽重陽霜降等四節致祭奉先殿每次用羊二隻本司豫期交送再每年萬壽聖節及秋季致祭內城隍廟永佑廟每處每次用羊二隻俱據掌儀司咨文給與 乾隆二十四年二月本府議覆奏准嗣後每年清明中元歲暮三次襄昭親王園寢致祭每次用羊一隻交本司豫備 是年閏六月掌儀司呈准每年清明歲暮二次曹八里屯格格墳墓並襄昭親王園寢之格格墳墓每次用羊二十六隻由本司領取

### 餵養耕藉牛隻

雍正二年二月奉旨耕藉牛二隻著交與內務府總管於潔淨處加意餵養欽此 三年二月奉旨耕藉典禮朕每歲舉行交與爾等牛隻著於南苑圈內加意餵養屆期仍用此牛欽此 每年耕藉後順天府送到牛隻交南苑續牛圈餵養至次年耕藉前仍由順天府行文取用排演如遇牛隻倒斃不堪用者順天府另行採買頂補更換耕藉後將用過牛隻照例交圈餵養其不堪應用牛隻亦留圈餵養

### 內二牛圈分例乳牛

太后例用乳牛二十四隻皇上皇后例用乳牛一百隻皇貴妃例用乳牛七隻貴妃例用乳牛六隻妃例用乳牛五隻嬪例用乳牛四隻貴人例用乳牛二隻阿哥福晉未分封例用乳牛十隻側福晉例用乳牛五隻以上每乳牛一隻每日取乳二斤交送茶房 乾隆五十年正月奏准京城所用牛隻照挑選羊隻之例臨期除派廐長等前往張家口挑選令該蒙古等護送至京應用其京城乳乏牛隻及應送牧羣二歲牛隻停交牧羣交順天府變價其變價銀兩交張家口總管買牛補額茶膳房差務與慶豐司相爲表裏外牛圈內牛圈除派茶房章京一員本司官一員羊圈除派膳房章京一員本司官一員一同管

理 嘉慶四年五月奏准查向例皇后內庭主位均有奶茶分例酌擬照乾隆五十年以前之例量加覈減查得五十年以前之例

皇后分例原設乳牛五十隻 擬減二十五隻

貴妃分例原設乳牛六隻 擬減二隻

妃分例原設乳牛五隻 擬減二隻

嬪分例原設乳牛四隻 擬減二隻

貴人分例原設乳牛二隻

常在分例原設乳牛二隻

貴人常在分例乳牛擬減均在皇后等位分例內隨用

阿哥娶福晉時分例乳牛十隻 擬減二隻

現應添分例乳牛五十三隻本司呈准內二牛圈添分例乳牛五十三隻添槽八面續牛

圈添備乳牛五十隻添槽四面

例用牛乳



每年春秋二季清茶房做乳餅每日用牛乳五十斤據茶房咨文到日呈明由南苑二牛圈內取乳牛十五隻於內二牛圈餵養取乳交送清茶房至停做乳餅時仍將乳牛送回  
雍正三年八月據茶房咨稱奉旨來奏事之王大臣著賜茶欽此 本月呈准內二牛圈添乳牛十二隻每日取乳三十斤交送茶房再茶膳房等處如有額外添用牛乳據咨文到日於內二牛圈應交分例牛乳外儘數取乳交送儻不敷用移付掌儀司轉咨光祿寺令其交送 嘉慶十年呈准自本年秋季爲始嗣後每遇做奶餅之時應添餵乳牛十五頭卽交續牛圈廐長在於本圈內添餵所用過豆草糟石卽在於續牛圈廐長名下應存豆草之內行文會計司照依內圈餵養乳牛口分之例覈銷 道光十九年十二月呈准做奶餅乳牛十五頭不必出青經年餵養仍在續牛圈添餵所用豆草糟石數目亦入於續牛圈廐長名下行文會計司照依內牛圈經年餵養乳牛口分之例覈銷

### 成造供獻乳餅

英華殿每年四月至八月每月供獻大白乳餅二百十個九月至次年三月每月供獻大白乳餅一百二十六個每乳餅一個用蜂蜜一錢五分沙糖三錢每次用封鍋口麥麩五

斤壽皇殿恩佑寺壽皇殿東暖閣安佑宮等四處每處每月朔望二次供獻白乳餅一百八十個自嘉慶四年八月壽皇殿安佑宮每處每月朔望二次添供獻白乳餅一百八十個每乳餅一個用蜂蜜一錢沙糖二錢每處每月用封鍋口麥麪五斤以上乳餅俱係南苑做乳餅圈成造所用蜂蜜沙糖麥麪俱呈明移付掌關防內管領處領取

### 南苑六圈羊隻草豆定額

康熙二十三年九月奏准豐臺六羊圈內頭等羊定爲一千二十隻每隻每日草半束豆一升二等羊定爲二千四百隻每三隻每日草一束每隻每日豆五合母羊定爲六十隻所食草豆與二等羊同頭等羊每年四月初一日出青牧放九月十五日進圈餵養此內挑選一半於出青前半月進圈後半月但餵料豆不行草束二等羊母羊每年三月初一日出青牧放十月初一日進圈餵養 每年於南苑出青牧放先期移咨奉宸苑經歷年添減今現定餵養羊隻所需草豆南苑六羊圈現例餵頭等羊七百隻每隻每日餵豆一倉升八合羊二隻合餵穀草羊草一束二等羊一千隻每隻每日餵豆九倉合羊三隻合餵穀草羊草一束黑羊十五隻格地羊十七隻均按頭等羊口分經年餵養頭等羊每年四月

初十日出青九月二十五日入圈出青時留烏珠穆沁羊二十隻照頭等羊口分餵養至入圈時歸入頭等羊七百隻數內不另支口分二等羊每年三月十五日出青十月十五日入圈頭二等羊每年自十月至十二月概以羊草餵養餘月均以穀草羊草合餵

### 進獻羊隻

凡蒙古王等所進羊隻據膳房交出領取烙印歸入南苑六圈羊隻數內餵養每年十二月內口外四十九處蒙古王貝勒貝子公等每處各進羊一隻共羊四十九隻據理藩院咨文到日如數查收烙印歸入南苑六圈羊隻數內餵養

### 內用羊隻

膳房日用羊隻每十日一次由膳房將用過羊隻等次數目移會本司入於年本具題

### 剪取羊毛

乾隆三十三年三月掌關防管理內管領事務處呈准嗣後春秋二季剪取羊毛停止除派副內管領催披甲人等前往剪取卽令本司所屬各圈披甲廐丁自行充當剪取羊

### 毛差務

年例暫用牛羊

康熙四十年十二月遵旨每年正月初一日中正殿念經暫用黑乳牛一隻黑羊一隻據中正殿咨文於內二牛圈六羊圈內挑取應用用畢仍交該圈 雍正元年五月奏准每年大湯山於驚蟄時念經暫用紅乳牛一隻據中正殿咨文於南苑續牛圈內挑取應用用畢仍交該圈

出外備用牛羊

凡出外備用牛羊俱無定額乳牛由茶房撥派羊隻由膳房撥派本司如數豫備隨往沿途餵牛草豆呈明移付會計司分派各莊頭按站領取羊隻卽於餵牛草豆數內隨帶餵養其沿途所用羊隻皮張照例按站賞給莊頭其裝載牛犢羊隻併需用物件車輛酌量足用呈明移付辦理車輛官員處領取

給送牛羊分例

凡阿哥等娶福晉初定禮用羊三十六隻成婚禮用羊四十五隻合昏禮用羊五隻給鋪送嫁粧人等用羊四隻 再王等之子如奉旨由內庭給婚娶者初定禮成婚禮合昏禮